

■ GLOSSA

Il Köppel emprenda (forza) er anc

DA SILVIO CAMENISCH

Tge vesa «il pievel» durant il cumià da la cussegliera partenta vers l'assemblea reunida? Il pievel, il pievel vesa il Köppel (maletg grond) vi qua en la fracziun dals insatge sco megliers patriots. So, quest neo signur cuss. naz. Köppel vul sa mussar al pievel al pievel e fa tut persuenter. Tut quai ch'ins sa far fallà gia l'emprima giada en questas sontgas hallas.

Durant il ferm pled da cumià da la magistrata, tut en nair, odiada a la mort dals dretgs patriots, betg mo pseudo, sa deporta quest emprendist Köppel sco in buob, sco in buob. Ha il pievel er vis, il pievel? Tge chaussas! Dat il signur Köppel sco in balurd en las tastas da ses laptop! Ses laptop u laptop dal stat, «Staatslaptop», ed al surdovra per ses basesegns!, e sche ti dumondas mai forza nair basesegns da sclerir giu tgenins!

Oje!, sco in vilà dat il shootingstar Köppel, il celebrà, vi qua en las tastas, enstagl ch'el guardass nà e tadlass. Aua! Las tastas n'han fatg nagut al Köppel u avais grittentà vus tastas il nov messias da la truppa, insatge sco armada dal salit da la pps? Ma shootingstars egual da tge culeur èn ins disà ch'els ston crudar en egl in pau dasperas, ha gist insatge auter l'interess dal pievel.

Forza, nus na savain gea betg savair, scriveva il schurnalist e neo politicher l'Editorial en sia Weltwoche. Guardava oho maltgiert e deva en las tastas vi qua en la partiziun da propaganda! «Propaganda-Abteilung», schef



Adrian Amstutz. Ses Editorials emnils ed il rest dal magasin quels stos ti leger, quels han en sai! Mes bab beà avertiva adina: Dai adatg da tschertas scrittiras! Gist da sectas u uschia na prendai naginas!

En scola populara u sco in center da requirements Valchava recentmain, avess insatge mussà respect e manieras al shootingstar signur Köppel. «Uss das ti qua tes laptop! Tes bab spiertal Blocher sto vegnir sez tar mai per el, fin venderdi saira pussaivel e mo cun carta d'identidad. Has chapì? U che quest laptop stat qua, u che nus dain a fugitivs qua da la Siria u Eritrea!»

En scola populara, là tar scolasts sin la lingua dira da la partida populara, avess ins fatg il marsch al teenager maltratg. Qua avess ins stuì metter el dador l'isch da l'assemblea e mussar al schani, tge ch'è «tar nus» respect, manieras e valurs svizras! Uschia vul il pievel, il pievel. N'ha el betg vis la timida pitschna Blocher tuttina betg da survesair pli davos tranter ils padrins: steva ina brava e saveva tadlar l'auta magistrata Widmer-Schlumpf, ristgava senza betg da respirar maindir s'auzar tar las ovaziuns sin pes?

Fa nagut. È gea era l'emprima giada e

l'emprima giada na san ins anc betg savair co ch'i va. Els han da bun in bonus da pazienza l'emprima giada. Ma la segunda giada, la segunda legislatura sa tegan il Köppel ed er tschels insatge sco «Kumberbuben» vid nossas reglas nossa costituziun: En num da dieu il tutpussant, da la pps, u betg pievel?

Dar uschia demonstrativ en las tastas, spruhs «Nei! Kä Luscht!», postar enturn cedels emplenids, Lukas Reimann, gea, ti es manegià, na lain nus betg pli! Il pievel pudes survegnir avunda cun il temp e sa volver cunter la pps, il pievel. In'otra giada mettain nus dasperas al Köppel ed a tschels er ina lavurera sociala e duas pedagogas curativas, sco en nossas scolas popularas integrativas. E qua na dastga betg vegnir spargnà «Kä Luscht!» Luscht anc adina vegnì cun far, segir betg cun far nagut!

Leva l'emprendist Köppel imitar in Ronaldo superstar nagliur arrogant u tge? Nus na savain betg savair, mo specular. Il Köppel emprenda (forza) er anc, vul el vegnir terz Bundesrat per la pps. Ma, ma, ins mussass quella triada sequenza cunter l'emblidanza: co in Köppel deva en las tastas senza respect ni da la magistrata ni da la costituziun: En num da Dieu il Tutpussant! In sa deportar mai capità dapi il 1291 u èsi stà il 1848 che tut ha cumenzà! Ferm signal da l'atgna tant fisis sco psichis, dals 9 da december en damaun. Junge, komm wieder herunter vom hohen Ross. Junge, geh nie mehr, nie mehr hinauf... Ed ussa ensemen cun il pievel.